

REGIONAL NEWS

UNIT

ALL INDIA RADIO, AGARTALA

Date : 30-04-2024

Time: 07.35-07.40 AM Hrs

BENGALI MORNING BULLETIN

SAMOYIK BORKHASTO :

রাজ্যে সদ্য সমাপ্ত লোকসভা নির্বাচন উপলক্ষে রাজ্যের বিভিন্ন দপ্তরে কর্মরত ২৭ জন কর্মচারীদের নির্বাচনী আদর্শ আচরণবিধি উলঙ্ঘন এবং নির্বাচনী কাজে গাফিলতির দায়ে চাকরি থেকে সাময়িক বরখাস্ত করা হয়েছে। গতকাল এক চিঠিতে মুখ্য নির্বাচন আধিকারিক সেই সকল দপ্তরের উর্ধ্বতন কর্তৃপক্ষকে বরখাস্তকৃত কর্মচারীদের বিরুদ্ধে বিভাগীয় শৃঙ্খলা ভঙ্গের কার্যক্রম গ্রহণ করার জন্য অনুরোধ করেন। চিঠিতে মুখ্য নির্বাচনী আধিকারিক আরও জানান যদি কোন দপ্তর তাদের সংশ্লিষ্ট কোন কর্মচারীর উপর থেকে সাময়িক বরখাস্তের আদেশ তুলতে চায় তবে অবশ্যই রাজ্যের মুখ্য নির্বাচন আধিকারিক কার্যালয়ের মাধ্যমে ভারতের নির্বাচন কমিশন থেকে সম্মতি আনতে হবে।

ELECTION-2 :

রাজ্যের পূর্ব ত্রিপুরা লোকসভা আসনে ভোট গ্রহণের দিন গত ২৬ এপ্রিল, বাগবাসা বিধানসভার অন্তর্গত ২২ নং বুথে ভোট গ্রহণের কাজে নিযুক্ত প্রিসাইডিং অফিসারকে শারীরিক হেনস্থা করার অভিযোগে কদমতলা থানায় অভিযুক্ত কাজল দাস এবং অন্যদের বিরুদ্ধে মামলা দায়ের করা হয়। মামলার তদন্তকারী অফিসার অভিযুক্ত কাজল দাসকে গ্রেফতার করেন এবং আদালতে প্রেরণ করেন।

ELECTION-1 :

রাজ্যের পশ্চিম লোকসভা আসনে ভোট গ্রহণ উপলক্ষে গত ১৬ ও ১৭ এপ্রিল, ভোটের কাজে নিযুক্ত কর্মচারীদের এবং জরুরী পরিষেবার সঙ্গে যুক্ত কর্মচারীদের ব্যালটের মাধ্যমে ফেসিলেশন সেন্টারে ভোট গ্রহণ করা হয়েছিল। রাজ্যের ৬০ টি বিধানসভা ক্ষেত্রের যে সকল ভোটার ভোট দান করেন সংশ্লিষ্ট কেন্দ্রের সহকারি রিটার্নিং অফিসারগণ এই সকল ব্যালট পেপার রিটার্নিং অফিসারের কাছে জমা করেন এবং ব্যালটগুলি স্ট্রংরুমে কড়া নিরাপত্তায় রাখা হয়। একইভাবে রামনগর বিধানসভা ক্ষেত্রের উপ-নির্বাচনের জন্য ব্যালট পেপারের মাধ্যমে ফেসিলেশন সেন্টারে যারা ভোট দিয়েছেন, সে ব্যালট পেপারগুলিও উপ-নির্বাচনের কাজে নিযুক্ত রিটার্নিং অফিসারের স্ট্রংরুমে কড়া নিরাপত্তায় রাখা হয়েছে।

6th phase election :

অষ্টাদশ লোকসভা নির্বাচনের ষষ্ঠ পর্বের জন্য বিজ্ঞপ্তি জারি করা হয়েছে। এই পর্বে ৬টি রাজ্য এবং একটি কেন্দ্রশাসিত অঞ্চলের ৫৭টি আসনে ভোট নেয়া হবে।

দিল্লির সাতটি, হরিয়ানার দশটি, উত্তরপ্রদেশের চৌদ্দটি, বিহার ও পশ্চিমবঙ্গের আটটি, ওড়িশার ছয়টি এবং ঝাড়খণ্ডের চারটি আসনে এই পর্বে ভোট হবে।

৬ই মে পর্যন্ত মনোনয়ন পত্র জমা দেওয়া যাবে। মনোনয়নপত্র পরীক্ষা করা হবে ৭ই মে এবং প্রার্থীপদ প্রত্যাহারের শেষ দিন ৯ই মে। ২৫শে মে ভোটগ্রহণ অনুষ্ঠিত হবে।

এদিকে, গতকাল ছিল লোকসভা নির্বাচনের চতুর্থ দফার মনোনয়ন পত্র প্রত্যাহারের শেষ দিন। নয়টি রাজ্য এবং একটি কেন্দ্রশাসিত অঞ্চলের মোট ৯৬টি লোকসভা আসন এই পর্বে আগামী মাসের ১৩ তারিখে ভোট হবে।

Vote at East Constituency :

পূৰ্ব ত্ৰিপুৰা লোক সভা আসনে ভোটদানে পুৰুষৰা এগিয়ে
ৰয়েছেন । নিৰ্বাচন দপ্তৰ জানিয়েছে, এই আসনে ৫ লক্ষ ৬৭
হাজাৰ ৩৮৬ জন পুৰুষ ভোট দিয়েছেন। মহিলা ভোটদানকাৰীৰ
সংখ্যা ছিল ৫ লক্ষ ৫৫ হাজাৰ ৩৪ জন। চাৰজন তৃতীয় লিঙ্গৰ
ভোট দেন। মোট ১১ লক্ষ ২২ হাজাৰ ৪২৪ জন এই কেন্দ্ৰে
ভোট দিয়েছেন। এই কেন্দ্ৰে মোট ভোটাৰ ছিলেন ১৩ লক্ষ ৯৬
হাজাৰ ৭৬১ জন।

Drinking water crisis :

বৰ্তমান সময়ে অতিৰিক্ত তাপপ্ৰবাহ ও বৃষ্টিৰ অপ্ৰতুলতাৰ কাৰণে
ৰাজ্যেৰ কিছু কিছু এলাকায় জল সংকট দেখা দিয়েছে। পানীয়
জল সৰবৰাহকাৰী কিছু কিছু উৎসে প্ৰাকৃতিক কাৰণে বা যান্ত্ৰিক
গোলযোগে সাময়িকভাবে পৰ্যাপ্ত জল উত্তোলন ব্যাহত হছে। এই
অবস্থায় সংশ্লিষ্ট এলাকাগুলিতে ট্যাঙ্কাৰ এৰ মাধ্যমে দ্রুত পানীয়
জল সৰবৰাহ কৰতে ৰাজ্য সৰকাৰ কাৰ্যকৰী ব্যবস্থা গ্ৰহণ
কৰেছে। পানীয় জল ও স্বাস্থ্য বিধান দপ্তৰেৰ অধিকাৰ্তা ৰাজীৱ
মজুমদাৰ গতকাল এক বিজ্ঞপ্তিতে একথা জানান।

Awareness Camp :

বাল্যবিবাহ, সাইবার অপরাধ, নেশাদ্রব্য সেবন সম্পর্কে গ্রামবাসীদের সচেতন করতে গতকাল কাঞ্চনমালার মুসলিম পাড়ায় এক সচেতনতা সভা হয়। এই সভায় আলোচনা করেন রাজ্য শিশু সুরক্ষা ও অধিকার কমিশনের সদস্যা শর্মিলা চৌধুরী, আমতলী থানার ওসি রঞ্জিত দেবনাথ, কাঞ্চন মালা গ্রাম পঞ্চায়েত প্রধান প্রদীপ কুমার মজুমদার সহ অন্যরা। বক্তারা বাল্যবিবাহের কুফল, নেশাদ্রব্য সেবনের ফলে ক্ষতিকর দিকগুলি নিয়ে আলোচনা করেন।

Water and Sarbat Distribution :

প্রচলিত দাবদাহ থেকে স্বস্তি দিতে বামুটিয়া বিধানসভার শালবাগান এবং কালীবাজারে পথচারীদের জন্য ঠান্ডা শরবৎ এর ব্যবস্থা করল যুব মোর্চা। এই কর্মসূচী পালন করে চলেছে বামুটিয়ার যুব মোর্চা। সংগঠনের মন্ডল সভাপতি আদিত্য ভট্টাচার্য জানান, প্রচলিত গরম থেকে পথচারী, গাড়ি চালকদের একটু শান্তি দিতে এই উদ্যোগ নেওয়া হয়েছে।

Knockout Cricket :

টিসিএ পরিচালিত তপন স্মৃতি ঘরোয়া নকআউট ক্রিকেট প্রতিযোগিতার দুটি সেমিফাইনাল আজ অনুষ্ঠিত হবে । এতে MBB স্টেডিয়ামে সংহতি ক্লাব ও স্ফুলিঙ্গ ক্লাব এবং নরসিংগড়ের PTA মাঠে কসমোপলিটান ক্লাব ও ইউনাইটেড ফ্রেন্ডস পরস্পরের মুখোমুখি হবে । গতকাল দুটি কোয়ার্টার ফাইনাল ম্যাচে কসমোপলিটান ক্লাব ও ইউনাইটেড ফ্রেন্ডস জয়লাভ করেছে।

Weather :

আবহাওয়ার পূর্বাভাসে জানানো হয়েছে, আজ আকাশ আংশিক মেঘাচ্ছন্ন থাকবে। দু'য়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। আজ ভোরের সর্বনিম্ন তাপমাত্রা ছিল ২৮.১ ডিগ্রি সেলসিয়াস। দিনের সর্বোচ্চ তাপমাত্রা ৩৮ ডিগ্রি সেলসিয়াসের কাছাকাছি থাকবে। রাজ্যে উষ্ণতাপ প্রবাহ এবং বাতাসে আর্দ্রতার পরিমাণ অব্যাহত রয়েছে।
